

黑龍江通志綱要

趙爾巽署

殿志 521

地430

41

卷三十一-2



黑龍江通志綱要敘

余久遊滿洲嘗屢過山海關望長城遺蹟東至長白登龍岡遷旗設治勒碑天池之側又嘗巡邊至洮遼渡洮兒河驅馬經興安嶺之下思北上直登外興安嶺絕頂觀有清盛時疆土舊界三百年山河如故而今昔已非時適聞京師有奪門之變倉卒遂歸至今東望金山猶悵想不能已也東三省滿洲故土一山一水幾皆爲我馬蹄所及奉天吉林黑龍江毗連更有甌脫地焉爲喀拉沁達爾罕諸蒙旗遊牧地余嘗商之諸王公慨允供我開墾移民殖邊先設行省期以十年盡開蒙荒然後推及外蒙諸旗以至西比利亞盡供我拓殖之用張雨亭將軍作霖頗聽其說而軍務倥傯終未暇遽行余甚惜之黑山孫占堯督帥烈臣吾昔嘗稱與張將軍

黑龍江通志綱要

並爲英雄人者也庚申督黑龍江思有所建樹遠約籌邊余故與有同官之雅遂起應其聘適占帥督隊乘車迎至長春秉燭夜談略多規畫復同車至京師殷勤訪問知我不能遠遊臨別乃以黑龍江通志相屬此吾願也余前長奉政以盛京通志猶乾隆年修擬續編新志曾通令各屬先輯鄉土志並別多徵錄備編纂又以吉林通志光緒年修體例頗善亦畧有補輯唯黑龍江舊無通志即外紀紀略亦寥寥僅數書東北地理古無攷究之人遂發奮思補其闕五載搜羅先集志料作長編得稿三五百萬言裝百五十冊差足自豪書成而占帥去年已以勞卒余千里哭臨竟不及觀矣亦可傷哉今春程守初廳長廷恒來京以吳興權督帥俊陞于振甫省長馴興之命督促交書乃期以一月補輯繕正全書脫稿

題曰黑龍江備志不敢稱通志也又以全書卷帙過多復錄其綱要爲二卷先行付刊以供校閱昔司馬溫公作資治通鑑別撮新書精要之語以爲目錄溫公志在春秋余則但爲取便觀者而已余別滿洲久矣白山黑水徒勞夢想而龍江故實日事編摩尤念念莫能忘今聞中俄方開會議黑龍江與俄連界萬里倘得重理前約還我舊疆山河無恙幸復睹有清開國之盛豈非一時快事哉則吾此書沿革疆域常包舊界而併述寧受體例不嚴之誚此物此志或其先徵亦庶幾告無罪於天下也

乙丑初夏滿洲金梁自識

黑龍江通志叙例

盛京通志創自乾隆奉天爲主兼及吉黑光緒辛卯始修吉志記述有法讀者稱善唯黑龍江舊闕志乘文獻無徵實艱考證今擬纂修先爲發凡總二十類統名以志每一類中各繫子目原擬記載斷自辛亥國制既變史例宜然然壬癸後興革尤多改道設治今昔頓異盡付闕文亦非徵實凡所敘述遂有詳畧隨時變通要豈得已擬名備志聊當長篇後之作者或有取焉

省以志稱國以史著其名雖異其實則同各省方志古今大事畧而不載義有未盡吉志紀事實仿臨安提綱絜領全書要刪分代編年斯可取也今志大事分篇上下一曰歷代二曰清代編年紀事史法所存大事志第一

黑龍江通志綱要

三

范氏吳郡王氏姑蘇均首沿革知所當務輿地之說沿革不明山川人物無不誤矣黑省邊疆昔同荒服古今沿革殊鈔攷據擬分二目以道爲綱曰沿革表曰沿革志分條引證各加案語源流分合指掌庶明沿革志第二

方志所起本仿圖經要其本旨實惟輿地元和郡縣太平寰宇四至八到皆所詳記黑龍江省高踞東邊土地遼曠實冠各省北拒強俄南控蒙服今志疆域首重國界邊要形勝經緯道里改省分縣靡敢略焉疆域志第三

禹貢敷土先奠山川夏官司險周知林澤蓋以郡縣有時而更山川不易疆界以定黑省東封山河表裏內依興嶺外扼龍江今志山川辨方正位源流既晰險阻斯詳山川志第四

城津官宇祠寺陵墓典制攸關方志所重黑自改省華路藍縷經之營之規模漸備建置一門新舊並列既詳今制兼攷古蹟建置志第五

民性不同繫於水土上應爲風下化爲俗荆楚歲時岳陽風土采風問俗以定制作黑俗敦樸古道猶存今詳禮俗婚喪謁祭居處飲食節令氣候附表方言采訪非易風俗志第六

民爲邦本戶族宜詳黑處東陲向多旂籍滿蒙漢軍皆號旂丁索

倫鄂泰達爾巴爾實爲土著自放東荒客民始集地闢民聚生齒

日繁今載戶口並誌民族土客不分合而爲一戶藉志第七

黑多旗地初無民田旗屯官莊亦無賦額按丁交差或納糧石開墾弛禁始准升科地既荒寒時有災歉頒帑發粟實賴恩振移民黑龍江通志綱要

四

殖邊邊荒要政博稽檔冊記載務詳爰志地畝兼紀墾丈並誌災振共利民生田制志第八

黑雖邊荒實宜五穀地大物博百產豐盈凡動植礦無一不備稱名辨物列舉靡遺采珠打牲土貢久免附載貢品誌勿忘也物產志第九

唯農立國首重實業志無專門斯爲闕典特創茲編意在務本自農工商及林漁牧金礦尤著富國利民分類詳載列爲專志實業志第十

史表百官首詳官制黑本旗制昔無民官自改行省立縣設治行政司法始漸分焉旗官裁廢蒙旗設治並宜詳輯附表職官官制志第十一

舊志財政必先田賦或仿食貨或入經制敘述既雜體例非純今列專門畧分數類歲入歲出租賦稅捐荒價官業關稅鹽運部撥協餉並攷錢法各自爲編務詳且盡庶幾一覽可了然焉財政志第十二

學校有志舊紀學宮祀聖選士例皆彙載今志教育專詳新學學校學務連類及之教育志第十三

古之選舉皆出學校科舉是也今之選舉皆由地方議員是也新行舊廢分述於篇選舉志第十四

外交有志實始新疆黑與俄隣尤多交涉首以界務鄂博卡倫次唯路務鐵路航路關稅商埠分類排纂其餘交涉要案附錄交涉志第十五

黑龍江通志綱要

五

古紀道里不曰交通黑處極東水陸要衝交通所志陸路水路鐵道郵電並述台站計分五類合爲一編交通志第十六

方志武備專紀兵防兵事要畧並宜詳載今所纂錄分目爲二一曰軍制陸軍江防練軍防營並述旗兵二曰兵事徵討藩屬防邊剿匪附表徵調武備志第十七

龍江人物甄采殊難國史館傳八旗通志人以旗分地望無攷詳稽博訪類分五目一曰鄉賢統爲列傳附註品目無當類纂二曰列女節烈同傳三曰名宦義取政畧類及鄉官不復別出

政略別出政略氏所主考之志例實亦難安鄉賢多武不以將材而入武備文苑多文不以徵錄而入藝文名宦有傳合歸人物主客雖異詳略無嫌

四曰名將實紀戰績當與名宦政畧參觀五曰游寓亦及流人六曰附傳釋道醫巫徵文考獻務在傳信事迹無徵則附表焉人物

志第十八

實齋創議方志三書志掌而外別作文徵龍江邊省文化遲開藝文無多彙輯成卷一曰文徵詩文詞賦分類編抄二曰書目方志專集有見必錄藝文志第十九

吉金樂石攷古所資或拓殘文或傳古物搜集不易寥寥可數姑立專門冀有採補金石志第二十

如右所述凡二十志調查未備材料不齊抄竊成書聊當備稿龍江故實盡於斯矣邇維黑省形勢遷革搜羅放失史氏之職吾亦舊史何心秉筆俯仰山川不勝今昔重感使君殷勤督責禮樂其興強爲縣叢發凡起例敢侈著述補闕正謬以俟來哲

黑龍江通志總目

大事志

沿革志

沿革表

疆域志

山川志

建置志

城池

津梁

廨署

倉庫

祠廟

陵墓

風俗志

禮俗

節令

氣候

婚嫁

喪葬

謁見

祭祀

方言

居室

衣服

飲食

器用

雜事

附方言表

戶籍志

黑龍江通志綱要

七

戶口

氏族

田制志

地畝

墾丈

灾振

物產志

動物

植物

礦物

庶物

附貢品

實業志

農業

商業

工業

礦業

林業

漁牧

官制志

行政

司法

旗官

蒙旗

附職官表

財政志

歲入

租賦

稅捐

協餉

荒價

官業

關稅

鹽運

歲出 錢法

教育志

學校 學務

選舉志

議員 科舉

交涉志

界務交涉

條約 卡倫鄂博

鐵路交涉 航路交涉

稅務交涉

商埠交涉

交涉要案 交涉附件

交通志

道路

陸路 水路

鐵路

電報 電話

郵務

台站

武備志

黑龍江通志綱要

八

軍制

陸軍

練軍

防營

旗兵

江防

水師

兵事

附徵調表

人物志

鄉賢

列女

名宦

名將

流寓

藝文志

文徵

書目

金石志

黑龍江通志綱要上

滿洲金 梁瓜圃

大事志綱要歷代

黑龍江省自帝舜時息慎來朝歷代大事詳載史乘漢唐以來至遼金元明其州郡屬國制度掌故與黑龍江志乘有關者良多今采輯大端錄爲綱要志其原始以著文物典章之盛其餘則備詳於各志焉

帝舜有虞氏二十五年息慎來朝貢弓矢

是爲黑龍江內屬中國之始

漢武帝元朔元年濊君南閭等率二十八萬人內屬以其地爲蒼

海郡

是爲建始州郡之始

又光武時烏桓大人郝且等詣闕朝貢獻奴婢牛馬及弓矢虎豹

黑龍江通志綱要

九

貂皮

是爲黑龍江貢貂皮之始

又夫餘國以員柵爲城有宮室倉庫牢獄

是爲黑龍江建築見於史傳之始

晉武帝時鮮卑慕容廆來降拜爲單于都督教以農桑法制

是爲北邊

輸入稼穡之法始亦爲制法之始

後魏太祖天興元年初令五經羣書各置博士增國子太學生員

三千人並令郡縣大索書籍送平城

是爲北邊輸入文化之始

又世祖眞君四年烏洛侯國來朝稱其國西北有魏先帝舊墟太

武帝遣中書侍郎李敞告祭刻祝文於石室之北而還

是爲黑龍江石

刻見於史傳之始

隋開皇初靺鞨黑水部遣使貢獻煬帝初渠帥度地稽率其部來

降拜爲右光祿大夫

是爲服官中國之始

又拜遼西太守封夫餘侯

是爲建官

之封置始

唐開元十三年於黑水靺鞨內置黑水軍更以最大部落爲黑水府仍以其首領爲都督是爲黑水府之始十六年其都督賜姓李氏名獻誠是爲賜改漢姓之始

遼立祖始教民稼穡善畜牧國以殷富是爲立國之始德祖始置鐵冶教民鼓鑄是爲鑄之始德祖之弟述瀾始興板築置城邑教民種桑麻習織組是爲織之始板築及

又太祖元年始稱皇帝置官號制婚姻是爲禮教之始又神冊五年始製契丹文字是爲滿蒙文字實本此之始

又天贊二年波斯來貢是爲有光黑龍史乘故特志州之始又太宗制中國定衣冠北班國制南班漢制是爲滿蒙衣冠實本此之始

黑龍江通志綱要

十

又太宗會同初詔有司勸農桑教紡織賜地耕種道宗初年命耶律唐古督耕稼田臚胸河側是爲屯墾之始官

又太宗定賦稅聖宗詔募民治閑田十年始租是爲墾升科之始又太宗立互市女直及鐵離靺鞨于厥等部各以物來易是爲互市之始

內地互市之始

又聖宗太平間得金銀鑛興冶採煉是爲鑛冶之始金太祖天輔三年始制朝儀建典章是爲禮儀典章之始制定

又天輔五年移民屯種於泰州是爲移民之始又詔禁同姓爲婚許奴自贖是爲籍所自始去

又頒女直字是爲滿州文字所本始

又世宗大定十一年創設女直進士科是爲科舉之始十三年始設

女直國子監學諸路設女直府學州學是爲黑龍江設學之始

元世祖至元六年始頒蒙古新字是爲蒙古製字之始

明洪武二十二年置秦寧朶顏福餘三衛是爲黑龍江設衛所之始

大事志綱要 清代

清太祖丙戌年率兵攻尼堪外蘭於鄂勒歡城哈爾齊齊克之是清初

用兵黑龍江之始

天命十一年黑龍江人來朝貢是為黑龍江人朝貢之始

崇德五年征索倫部班師命分編降戶為八牛录是為黑龍江分編佐領之始

順治九年海塞等率兵往黑龍江與羅刹戰敗績是為羅刹起釁之始

康熙二十一年遣郎坦等率兵往黑龍江徑薄雅薩克城攻取羅

刹羅刹是為往征之始又命巴海薩布素統兵駐黑龍江是為黑龍江駐防之始

又二十二年令建木城於額蘇里駐兵是為額蘇里建城之始

又命薩布素為黑龍江將軍是為黑龍江設將軍之始

又二十四年派督耕大臣是為黑龍江督墾之始

黑龍江通志綱要

十二

又令彭春等抵黑龍江後用黑龍江將軍印是為黑龍江將軍用印之始

又自吉林烏喇城至黑龍江城設十九驛是為黑龍江設驛站之始

又議准墨爾根地方築城是為墨爾根築城之始令將軍移駐是為將軍移駐墨爾根之始

駐防黑龍江副都統鑄印信給之是為黑龍江副都統鑄印之始

又二十五年遣馬喇等往督黑龍江屯田是為黑龍江屯田之始

又二十五年俄羅斯遣使議定邊界是為俄人遣使議界之始二十六年抵境

二十七年諭索額圖等往議二十八年於尼布楚定約並立分

界碑是為定約分界立碑之始

又三十一年薩布奏建齊齊哈爾城是為齊齊哈爾建城之始

又三十四年進勦噶爾丹徵調黑龍江兵是為徵調黑龍江兵之始

又發廩賑黑龍江濱河被水居民是為賑災之始

又奏准在墨爾根兩翼各立官學一處是為黑龍江設學之始

又三十八年黑龍江將軍自墨爾根移駐齊齊哈爾是為將軍之駐

始亦為今日省會之始

雍正五年策凌等奏與鄂羅斯使臣議定疆界事宜怡克圖定為

貿易之所是為定約互市之始

乾隆十年命撥黑龍江等處閒丁移屯佛忒喜蘇蘇墾地是為移

又三十六年黑龍江始行編審戶口是為編審戶口之始

咸豐七年御史吳焯奏請開墾黑龍江呼蘭地方荒原是為弛禁開墾之始

又八年與俄羅斯議定界約是為環珥條約

又十年與俄議定北京條約是為北京條約

同治元年特普欽奏招墾黑龍江荒地是為招墾之始

黑龍江通志綱要

十三

光緒元年諭黑龍江將軍簡練旗兵是為黑龍江設練軍之始

又三年奏定黑省學額是為取定學額之始

又七年曾紀澤赴俄改訂條約是為改訂中俄條約

又十二年恭鏜奏辦漠河金廠是為官辦金鑛之始

又二十二年許景澄奏定東省鐵路公司合同是為鐵路辦中東鐵路之始

又二十五年恩澤奏辦江省電報是為江省設電報之始

又二十六年恩澤奏放扎賚特杜爾伯特郭爾羅斯後旗等處蒙

荒是為開放蒙荒借地設治之始

又是年八月俄兵入省將軍壽山死之是為俄兵入省之始

又二十八年與俄議訂交收東三省條約四款是為俄兵撤始

又三十三年盛京將軍改東三省總督兼管三省將軍事務奉天

吉林黑龍江各設巡撫是為改行省制之始

宣統元年選舉議員又各府縣籌辦地方自治是為選舉議員及地方自治之始

又三年中俄會勘邊界議訂界約於齊齊哈爾是為中俄界約

又三年十一月呼倫貝爾宣言獨立是為呼倫貝爾獨銷獨立之始

沿革志綱要

黑龍江省沿革之可攷者自唐虞時始東南爲息慎氏境西北爲山戎地三代之肅慎戰國之貉漢之濊魏晉之夫餘後魏北齊之豆莫婁勿吉隋唐五代之靺鞨皆肅慎所遞變者也而金之蒲與路元之開元路明之扶餘路則又仍夫餘之舊此皆今東南境也三代戰國之東胡山戎漢之東胡烏丸匈奴左地魏晉之烏丸鮮卑後魏北齊之失韋唐之室韋各部遼金之東北路各部皆山戎所遞變者也而元之興都合撒兒等分地明之脫古思帖木兒駐牧地屬之此皆今西北境也清興初設省置齊齊哈爾墨爾根黑龍江呼蘭布特哈呼倫貝爾各城是爲全境統一之始又有謂黃帝子昌意之少子受封北土有大鮮卑山即今外興安嶺實爲沿黑龍江通志綱要

革所自始今附錄於此而仍遵孔子刪書之例斷自唐虞

唐虞息慎氏境西爲山戎地

三代曰肅慎西仍山戎

戰國貉地西屬東胡山戎

漢濊地西南挹婁東胡烏丸西北匈奴左地

後漢三國魏扶餘東挹婁西烏丸鮮卑

晉扶餘寇漫汗東挹婁西宇文鮮卑段部

後魏北齊豆莫婁東勿吉西失韋烏洛侯地豆于

隋屬靺鞨北屬北室韋西屬南室韋突厥

唐黑水靺鞨黑水府烏丸國嶺西室韋駱駝室韋拔苦部僕固部

東室韋室韋那裏和解部塞曷支部東北屬山北室韋大如者室

韋小如者室韋婆蒿室韋嶺西室韋黃頭室韋訥北支室韋蒙兀
室韋達末婁部達妬部西屬薛延陀西室韋室韋烏素固部移塞
沒部烏羅國

五代仍黑水靺鞨

遼東北路統軍使黃龍府兵馬都部署司東京道長春上京道秦
州突呂不室韋部室韋國烏梁海國伯斯鼻骨德部烏隈於厥部
烏延突厥部東屬生女真生女真節度使五國節度使湯河兵馬
司五國部剖阿里國奧里米國盆奴里國鐵甸西屬上京道靜州
觀察使靜邊皮被防城伊濟部烏古部德埒部鄂律特埒伊遜巴
勒烏納哈喇三錫林北室韋黑車子室韋準布部

金蒲與路烏古迪烈統軍司上京路肇州泰州會甯府東屬屯河

黑龍江通志綱要

十六

猛安活括渾水圖克坦部赫舍哩部帥水唐古部尼瑪哈部蒲盧
買水裴滿部幹泯水蒲察部陶溫水徒龍古水紇石烈水海羅伊
河烏林答部矩威水部圖塔水部溫都部西屬東北路招討使西
北路邊堡阻難部宏吉刺部合底忻部山只昆部婆速火部石魯
部渾灘部古兒罕境

元幹赤斤分地五諸侯牧地開元路肇州寧古江軍民萬戶府托
果琳軍民萬戶府東屬桃溫萬戶府碩達勒達路西屬興都合撒
兒翁吉刺氏別勒古台阿勒赤歹分地東路蒙古軍都元帥府轄
境嶺北行書省統治地

明扶餘衛錯置亦兒古里阮里河木里吉阿倫和屯吉葛稱哥古
魯兀刺忽阿真同真亦力克塔兒河兀討溫蘭河兀塔里布爾哈